

菴齋集卷十四目錄

補編

與施覺菴吏部書

與友人書

菴齋集卷十四

目錄



余不能詩也間於愁中病中意不自聊輒信筆塗抹

譬如村歌巷諺姑以遣興初不自以為詩也積累有

年不下千首其中亦有為友人稱許者因不忍棄服

目錄出四百餘篇質諸楊子大瓢大瓢刪其十之二

復屬香山蔣子痛刪之參互其間得二百首亦不知

其果可以為詩否也夫詩之為道主於諷諭故輶軒

采風太史陳詩凡政事之得失風俗之貞淫皆於此

有考焉通是道者必達於政而能言故足尚也余愚

且賤不克周知世故卷中所載非看花醉月之辭即

題詞

歎老嗟卑之句縱使協於音律猶不足言詩况其不

然者乎然而不忍棄者數十年來之憂悲愉懌約畧

在焉每一展卷恍如話舊故苟無大謬者即存之云

爾黃中堅自記

與人論顧沅江行狀書

向忝親末弗獲一奉教言昨蒙賜顧以入山作弔有
失迎迓歸時讀所批沅江令弟行述愧荷殊甚蓋自
令弟亾後之八日人全令姪以荒迷之故欲弟代作
行述弟隨令其開上世履歷并尊人行實來七月初
二日稍爲詮次先後因藁子字迹潦草倩塾師錄出
自念其中必多未妥又恐抄寫或有脫悞尙欲審視
而已爲伊母舅何篔谷取去越四日索之則已付梓
矣急遣人向舖戶索取原藁則見已蒙篔谷筆削意
蓄齋集卷十四

書與人

三

必斟酌得宜又見行間俱數字劃斷結定幾百幾千
字知已上板不便有所更易遂不復校閱然如尊指
所摘紕繆則初非令姪之罪亦非篔谷所改皆弟執
滯不通故也弟本不慣作行述妄意行述原非世家
之比可不上溯高曾卽莪翁亦自有行述不必復詳
見於令弟述中及查某老令姪所作令先尊行述果
僅及於所生而未嘗追叙上世遂據所開約畧叙之
此執滯之一罪也又妄意行述原與族譜不同可不
旁及昆弟查吾郡大家所刻行述本人昆仲大抵因

事而見者多。亦不具書資格。甚至有昆季五六人而始終不及一人者。因以是自遂其愚。而不脩錄。鄴侯。晉封諸公爵秩。致親翁有革職之痛。此又執滯之一罪也。銀臺考功兩公。既見諸行述中。自非通譜。但其稱謂。實難考訂。卽今老親翁亦止註考功爲族叔祖。而於銀臺未有註焉。妄意與其一有稱。一無稱。毋寧兩皆不稱之爲愈也。或銀臺原係聯譜者。故老親翁亦不之註。耶蒙混書之而不詳考。此又執滯之一罪也。莪翁令先叔本無別號。古有諱名之條。並無諱字。

蕃齋集卷十四

書與人

三

之律。今之見於行述者。往往而然。卽令先尊行述亦止稱令先祖爲君。升公而未嘗稱明經公。豈非切証耶。妄意與其曲稱爲漢川公。奉政公。毋寧質言我在公之易曉也。故從實書之。此又執滯之一罪也。出知雲南廣西府事下舊原有先王父暨先王母何宜人。皆年近七旬。擬請終養。而先王父固不許。鄴侯晉封兩伯父。又委曲勸行等語。妄意祖父祖母已書明在前。則內艱自是何宜人。外艱自是我在公。不必以申言爲敬。猶之考功自是銓部不言可知。屬草時但圖

用筆徑省。故脫漏如此。此又執滯之一罪也。至於生
養殞事。皆獨力仔肩。亦不敢以貧廢禮。此三語者。尤
老親翁所指爲誣妄而可恨者也。然述中原明言先
王父母未葬。何嘗言及舉襄。若何宜人之喪。與莪翁
之醫藥殯殮。則實係闇老令弟獨任。親黨皆知似未
可以爲誣也。但闇老食祿有年。卽獨任不爲厚。各房
令弟令姪稍藉以息肩。亦不爲薄。而弟不知通變。必
據實書之。此又執滯之極罪。莫大焉者也。然弟有不
能無疑者。老親翁種種指教。誠所謂有過相規。真尊

長分內事。但據批有尊大人之生也在京在滇。叔父
以俸資養之等語。又總批云。設心主在奸欺。故措詞
罔知顧忌。不知何以見罪之深若此。夫行述之義。稱
美而不稱惡。親翁則旣知之矣。而觀此等議論。一似
必欲令姪稱其先人之惡者。是可異也。且卽如親翁
所云。在令弟令侄亦自不難於引咎而親翁與某老
令姪以兄而揚其弟之短。以姪而詰其叔之私。其謂
之何聞之。稱人之善。隱人之惡。微獨孝子順孫之用
心宜然也。凡爲君子亦皆然矣。今親翁本意原欲教

令姪以厚而不啻反欲教之薄且旣已陷人於薄而已亦不得居於厚弟竊爲親翁惜之總之令姪喪事弟分毫不敢與聞獨此係弟代筆自不得逃其責親翁亦知出白拙筆故特以見示今以上諸條弟一甘受教督惟親翁執而布之通國使人人知弟之不通則亦足以蔽弟之辜矣惟不書稽顙拜三字則令姪以爲本於楊以齋先生行述張公下漏一子字則剖劇氏之悞而令姪失填非弟之咎而弟猶不揣固陋輒敢爲親翁進一言者是亦朋友相規之誼彼此可以相通者也願親翁三思焉

蓄齋集卷十四

書

與人

十四

王耜莊曰辨論詳明有卽戈刺盾之妙而復能出之以和平昔子產馳詞以折晉楚而鄭國賴之此文可謂得其遺意

楊大瓢曰詞婉而意嚴

蓄齋集卷十五目錄

詩

五言古風十首

七言古風九首

五言近體二十一首

七言近體三十五首

五言排律二首

五言絕句一首

六言絕句四首

蓄齋集卷十五

目錄

七言絕句一十八首

蓄齋集卷之十五

詩

春日登鳳鳴岡

鄧尉鬱嵯峩。馳突結茲嶺。高僅逾百步。俗名百步頂。余家其下。

亦足窮遼迥。龜山伏其前。香塔可摩頂。煙邨數百家。

花柳被閭井。兩漚夾明鏡。翠嶂列畫屏。茫茫太湖波。

混漾空明影。松風吹我衣。恍欲超溟滓。俯仰一曠然。

欣慨忽交并。我聞周盛時。吉士森以挺。以茲感和氣。

鳳鳴岐山境。太和既云遙。菁莪化榛梗。茲地僻且陋。

蓄齋集卷十五 詩

一

靈鳥豈延頸。號為鳳鳴岡。虛聲何僥倖。安得立朝陽。

五色同彪炳。不然學孫登。舒嘯相與永。庶解山林嘲。

名寔千秋耿。陳陽山云可與少陵紀行諸詩抗衡

癸丑清秋晚棹

亂雲兩岸一扁舟。觸目蕭森境轉幽。草帶斜陽常隱

現。煙依遠岫乍沉浮。靜觀魚躍徒生羨。細聽蟲聲不

禁愁。記得秣陵驚夜雨。蘆花灘上又逢秋。

蔣香山云結處極悲涼又極含蓄此謂言有盡意無窮

題馬雲達像

故國蒼涼天地秋。誰將肝膽托清流。狂瀾已向東南
倒。正氣偏教草莽留。情似安民悲刻石。官爲魏闡立
碑君先期逃
避不誼同齊相贖狐囚。魏忠愍公子濂以誣賊逮比
君爲奔走勸募入金得免
畫工只寫當年貌。一片丹心何處求。

夜雨懷許允文臨場

幾度思君話昏燈。共曉雞愁懷黃葉積。壯志碧雲齊。
雨暗吳山北。風寒晉殿西。驕驢應獨步。不慮錦障泥。
歲暮書懷次鄭雪庵韻

令名今不立。辜負少年場。窻冷翻書懶。盃酣起舞狂。

蓄齋集卷十五

詩

二

愁將天並老。思與夢俱忙。忽忽無長策。寒林又夕陽。
立秋日簡友觀荷得香字

獨有花堪賞。同來坐晚涼。葉飛知暑退。風過覺衣香。
山色晴兼雨。蟬聲抑復揚。傳盃饒逸興。不羨泛金塘。

咏雪

寒氣凝空掩日暉。從教滕六降霏微。初看萬點銀鸞
舞。忽見千林玉樹圍。月滿山陰溪影靜。風搖灞岸柳
花飛。神仙祇合瑤臺住。莫羨王恭鶴氅衣。

立春

戊午膺月

等春臘雪應春梅

等春應春皆習俗語

共遍春光到地來傳語

東風須着力小簷不許放愁回

同許允文王慎季虎橋晚眺二首

溪橋新雨後躡屐共尋幽山色涵烟遠波光蕩日浮

蕭疎僧寺磬斷續野人謳相對忘歸去沙間有白鷗

兩餘山色好乘興步丘塍帆逐新流急雲依古殿凝

野花開鳥道烟柳落魚罾摩詰多才思

慎季善畫

丹青得

未曾

姑蘇懷古

蓄齋集卷十五

十四

三

千秋霸業已成空剩有荒臺蕭寺東此日樵歌殘照

外當年妝鏡曉雲中玉床笑倚桃花面水殿香飄菡

萏風但使老臣毋伏劍不教一炬映春紅

李客山云結筆
健意亦深厚

無題二首

比來觸目盡愁機挑逗春光似蝶飛風引柳絲柔拂

檻雨隨花氣細沾衣流鶯解語傳情密杜宇催人入

夢稀却恨萋萋芳草路相思依舊兩相違

孤城日暮亂飛鴉旅館蕭條重自嗟何物關心風動

竹有誰傍。我月移花。笙歌會向雲屏展。枕簟偏教春
病。加知道。夢魂留不住。莫將燈火掩。窻紗。

窺見次慎季韻

畫樓十二畫庭寬。芳樹參差隱曲欄。却值開簾教鸚
鵡。春風贏得隔花看。

楊大瓢
云韻甚

寓中卽事次家穉堅韻

浪跡栖遲一草亭。藤蘿爲戶竹爲屏。搖風柳線垂垂
碧。過雨苔痕點點青。午夢欲來因客阻。病魔將去爲
愁停。揣摩不解追時好。閒看朱魚戲綠萍。

蓄齋集卷十五

詩

四

偕穉堅及開遠人全游玉峯勝蓮菴

背郭緣溪列洞天。尋幽最愛小亭偏。芟荷香動翻秋
雨。楊柳陰低噪暮蟬。水栗近看摻手剝。浮瓜遙見玉
盤傳。早知瓊室多仙客。未許劉郎叩法筵。

秋葵

弱質經秋瘦。嬌姿帶露黃。自憐高潔性。不肯媚春光。

過陸長源齋中看雞冠

故人相遇意相得。邀我到家看秋色。柴門開處牝有
天。遙望雞冠如錦織。竹牀移近向庭隅。椀茗爐香韻

事俱散步花陰細注目。二百餘顆種各殊。深暈臙脂
淺點碧霞光。月色同標格。花瓣連蜷更展舒。姚黃魏
紫幾無擇。鴉冠黠淡擬沉香。粉腮掩映舞霓裳。琉璃
瑪瑙爭奇艷。參差百鳥來朝王。何種應推冠羣卉。猩
紅染幘最爲貴。瓊毛槿滑逞精神。就中猶自分品彙。
五色紛披眼欲迷。琪花瑤草此可齊。主人指花爲余
說。佳致多堪入品題。葉須覆根莖須細。猗猗風前方
婉孌。尤喜低傍檻楹間。仰面看花亦少味。色澤隨時
有變遷。鎮日相看趣始全。映射朝曦成異彩。浸滂夜
露自幽妍。煙雨迷離愁作態。雨餘帶日鮮。更倍惜乎
此時雲冥冥。未免花光尚晻曖。我聞此言憮然失塵
踪。那得多閒日。幸爾媮忙一縱觀。已如身在摩羅室。
攬衣臨別復逡巡。宵來會向夢中親。欲與花神結密
契。還讓煙霞笑傲人。

過上嶠

近山蒼翠遠山黃。一片輕帆渡夕陽。十五年來身似
客。翻疑前路是他鄉。

雨後過吳宅

四圍蒼紫列山城。伊軋籃輿畫裏行。疎密煙光添樹色。啁啾鳥語間蟲聲。雲依遠岫含殘雨。天觀孤霞弄晚晴。羨殺輞川多勝事。開闢十畝足生平。

早發北溝

南陌迂迴覓故舫。芒鞋帶滑露華鮮。歸途不用桃花記。認取丹林碧澗邊。

過張文始看畫花草

閒步墻東問畫禪。爐香茗椀小樓偏。揮毫着紙花光滿。疑有春風在指邊。

蓄齋集卷十五

詩

六

悼徐侯齋先生

先生與先君有契。先君沒後。方欲乞銘於先生。會余多難不遂。而先生已逝矣。爰述曩昔欲往弔之。而令孫遠居江城。卒未果。僅過墓

所一拜云

阿蒙兒童時。卽知先生名。翩翩佳公子。射策魁陪京。滄桑不可問。守志甘躬耕。壯懷托悲歌。鏗鏘金石聲。臨池水盡黑。落筆人皆驚。繪事入神妙。山水發清音。四方競相購。一縑重兼金。高潔薄流俗。稱許絕不輕。

先子叨雅契時辱翰墨臨幘題必累幅孤標燦瓊瑩
風木有餘痛道駕來蘋汀招携惟伯淮談讌展素心
令嗣千里足相與訂嚶鳴歲在辛酉暮棹雪叩岩扁
溪影漱我骨松風滌我襟茅屋三五椽當戶垂雲英
四壁無長物但見琴書橫先生隱其中悠然太古情
何以相酬酢阮眼雙垂青別來雁無妄播遷入市城
旋聞寶樹折正值楚囚吟什載無寧晷積思空自盈
近年肩稍息方擬問玄亭豈期秋風夕忽落處士星
先生忠孝節既死彌芳馨獨憐遺孤幼不克守柴荆
蓄齋集卷十五

詩

七

感念今昔事風雨淒窳極生芻盈一束聊以終生平

楊云情景

俱寫得出

憶昔二首

曾從白下過維揚訪得懷人話別腸望信幾迴聽鶻
語奉身欲共沐蘭湯秋風有意添行李湖水無情促
去檣今日相思渾是夢悔教佳遇竟荒唐

逼歲來過並曲欄一樽草草敘暄寒非關薄倖新移
寵只爲驚魂故諺歡心事轉從言外透眉痕還向別
時攢豈知從此成終古夜雨孤燈淚欲彈

賦得桃花馬上石榴裙

宛水名駒金作鑣。更移濃艷逞纖腰。絲沾赤汗蜂應戀。泪滿湘江血欲焦。和鏡踏來欺玉臉。倚風嘶去妬紅綃。世間兩美難相并。掩映春堤分外嬌。

蔣云雕琢之極偏近自然濃郁之至仍引清機謝宗可咏物詩不得專美矣

望靈巖

朔風吹孤舟。迤邐近木瀆。仰望靈岩山。蒼秀如可掬。鳥道通層巒。雲峯護深屋。嶙峋石咽泉。淡蕩煙籠竹。洒然寒楓林。數點青斷續。灼灼者維何。更爾媚幽谷。蓄齋集卷十五 詩 八

賞心不在多。片晷快奇矚。景物有如此。興亡安用哭。

倚舷發清歌。鍾聲遠相逐。

陳云妙於寫景中含不盡之意

雨窗有感

荏苒年華暮。參差心事虛。病中閒夢少。貧裡故人疎。支枕聊聽雨。篝燈漫檢書。自因天性懶。敢謂愛吾廬。次韻釋堅讀書自嘆

誰將長策賺吾徒。悶向寒窗擊唾壺。舊業幾思封皮

閣。新詩浪說叶笙竽。鹽債重毡偏煖。山水緣慳夢

亦無一卷黃庭看未徹。蹉跎又見歲云徂。

未。經人道

詩云確切語

卽用前韻轉以相慰

斯文幸自付吾徒。擷取芳腴向玉壺。一縷爐煙書漢篆。數竿窻竹奏齊竽。苦無佳句搜還有。怕有閒愁醉已無。千載風流身後事。任他駒影向西徂。

展書誠

載籍存吾道。開卷最須慎。几塵先拂除。鋪紙爲之襯。披捩更有方。靜氣流逸韻。茲事本靜業。豈宜俗子問。恨彼混濁人。動沾饞口津。可憐白玉質。染出黃魚鱗。穢氣觸卷軸。聖賢應生嗔。不久自糜爛。惡德何滅秦。

蓄齋集卷十五

詩

九

尤恨鹵莽客。兩指樞且摘。猛力如不勝。着紙聲割割。一摘書皺損。再摘書必坼。書亦有何仇。遭君狼相阨。走雖不知書。愛書情有餘。見此兩俗物。腸痛幾欲歔。設欲借書讀。峻拒寧受戮。君子戒之哉。慎勿如所告。

香甥將赴常州來別贈之

八歲失所恃。十歲失所怙。痴小自其常。何知三與五。卽使有家亦無依。况復家中無寸縷。蘆花不禁五更霜。畫餅難充屢空肚。烏衣門閥故依然。却向毘陵趁柔艣。聞汝曾爲幼弟言。弟今須認舅作父。我亦含悲

爲汝囑認姑作母姑必撫

楊云纏綿悱惻可泣鬼神

聞所聞十絕之一

夷跣由來共得名。何妨將跣作夷評。轉疑孤竹垂清耀亦屬當年粉飾成。

蔣云痛快語却似翻新出奇妙

紀異

冬日暖無雪。蟲種憂更出。旣乃微霰紛。寒威自凜栗。謂是有年徵。農民相慰悅。豈知反掌間。氣候竟迥別。立春前一朝。大雨如奔越。迅雷兼暴風。電光不停掣。野有震死人。龍見山之萃。越一日復然。勢與盛夏埒。

蓄齋集卷十五

詩

十

亟問諸老農。灾祥當何說。翁言天道遠。野老豈能徹。今年風雨時。秋成顧衰歎。茲異古未聞。或反是康吉。

蔣云句轉字折此調今人久不彈矣

競渡行

龍舟本是弔屈子。風俗相沿成樂事。今歲中丞欲縱觀。百姓乘風興逾熾。傍溪無處不增舟。延門歛費聲啾啾。節屆天中幸無雨。凌晨金鼓訇遐陬。出得城濠舟蟻集。旗幟續紛迷五色。棹歌聲徹青雲端。壯士角材逞技力。往來盤繞疾如飛。鱗而牙爪生神威。逐浪

掀波爭作勢。魚龍百戲應難幾。士女傾城觀競渡。畫
船環列垂楊護。斗酒十千意氣豪。賞賚頻頒不知數。
黃堂太守立船頭。親拋鳧鴨向中流。舟人攫拏太守
喜。博得中丞大白浮。

贈嘉定朱孝子

父不受誅。子復仇。煌煌大義著春秋。調人掌司今已
矣。蓼莪徒爾廢。王哀苦哉羅溪朱孝子。執義自矢應

陳云、二、字定詳

少儔。淮浦悲烏號夜月。江城暮角泣荒洲。崎嶇千里
傷心地。屈曲廿年嘗胆謀。百折不磨氣彌奮。微軀此

蓄齋集卷十五 詩

十一

外夫何求。錢神有靈法網漏。萬言血蹟一筆勾。淚眼
欲枯鬼神動。寸心無告天地愁。羣兇次第遭冥擊。猶
恨都亭刃未抽。我昔見君聲寃錄。髮欲指冠涕欲流。
今春遇君胥江上。君已祝髮爲比丘。比丘之法貴寂
滅。問君此念寂滅否。或言父母是真佛。念父卽與念
佛侔。孝子念佛專且摯。不二宗風良獨優。行見金剛
爲努目。助君殲此不共讐。

楊云無懈可擊

苦雨行

自春以來五閱月。屈指晴光半未足。蚕因食濕繭不

成蔬爲寒多種不育。農夫佇望麥有秋。正值麥黃雨更毒。一雨十餘日。晝夜無少停。奔騰勢可畏。疑是天河傾。人家往往水沒許。高堂華厦着屐行。沃壤多爲河伯據。山田麥爛難爲耕。民間訛言混沌至。平陽近事聽者驚。混沌且勿患。催科急如箭。轉死固所甘。妻孥寧得竄。君不見水區飢民告水荒。上司決責皮肉綻。

冷秋江云少陵秋雨歎無此深至
楊云真樂府

賣柴行

窮居山僻少活計。夫婦相隨碎柴去。碎柴易米患不蓄。齋集卷十五

詩

三

敷雜煮草根得一飯。今年天雨難碎柴。幸有餘柴堪逐利。雇船裝載入城來。正值柴荒價三倍。縱然倍利亦幾何。忽遭強暴攫之既。微軀空飽老拳鋒。扁舟剩得亡羊淚。含悲往訴縣尹知。却逢縣尹怒且恚。除將失物不追求。更予大杖還枷示。歸來嬾子問其由。爲道官嗔柴價貴。嬾聞夫語泫然悲。兇飢待汝今何冀。柴賤苦飢柴貴筭從今。慎勿將柴市攫奪。由來官不禁。努力明朝攫食始。

蔣云競渡苦雨賣柴三首讀之令人悲憤交集與泰中吟並傳不朽

寄穉堅

春來心緒苦芒芒。詩債陳因久未償。香動膽瓶思處士，雪深蓬徑憶仙郎。陰晴莫卜明朝事，陵谷空悲古帝鄉。且約明日見過雨不果樽酒論文更何日，夢迴風雨漏偏長。

過王謔昭館齋話舊

弱冠相逢意氣新，今看俱是白頭人。生涯潦倒惟枯硯，心事嗟跼一折巾。寶馬香車應莫挽，溪雲山月幸相親。不須更讀昌黎賦，且放雙眉共飲醇。

蓄齋集卷十五 詩

三

過清蔭堂有感

雲母屏開映碧紗，昔年長此醉流霞。裝成列障一拳石，點綴疎林幾朶花。冉冉晴絲當戶裊，飛飛燕子傍簾斜。可憐風景渾如舊，人事升沉重歎嗟。

偶逐遊蜂款竹關，小庭景物稔衰顏。風吹爐火茶聲驟，日轉牆陰鶴夢閒。紅瘦依稀披畫帙，綠垂彷彿泣雲鬟。二語實有所指也知氣象今偏好，回首當年淚欲潛。

七夕後一日允文招飲觀荷

五畝園中結草亭，芰荷池沼傍疎櫺。綠搖暮雨珠纈纈，

落紅射朝曦。燭共熒。乳鴨避人浮。碧水游魚驚。餌動青萍。由來四美稱難并。莫畏歸途且戴星。

風生池館碧雲飄。茵菑香中暑氣消。偶與敲碁臨竹几。無心得句入詩瓢。手攀蓮實分甘少。口吸荷杯墜露饒。肯逐羣英輕聚散。輸他別自有相招。

懷湯子方

故人鸞鳳侶。乃置棘荆端。世道已非古。仕途良更難。兩昏三徑菊。夢繞九龍灘。一得相思効。何當奮羽翰。

入山圖歌爲尤雯育作

蓄齋集卷十五

詩

十四

莫畏山勢阻。山中有曠所。莫患山行痛。入山是坦途。世路巉巖不可極。羊腸峻坂非崎嶇。欲作逍遙物外遊。請君看取入山圖。數筆縱橫鬱崩劣。遙望此中深不測。蒼松偃仰虬龍枝。却似翻從脚底植。何物頭陀迥絕塵。夷然跣足輕登陟。皂袍一領無冬夏。縞帶不須悲染色。手攀筇杖背蒲團。到處烟霞堪憩息。忽念深山之中多猛獸。熊咆虎嘯爭馳驟。更有脩蛇百尺能騫騰。磨牙吮血噉人如豆雲愁雨慘兮。陰風吼猿。狄夜啼兮。魃晝走入山亦復艱。虞多頭陀頭陀可奈。

登立妙義無窮有峯迴路轉之妙

蔣云層層

何頭陀聞言。赧然笑。拂衣而起。爲余道憶昔頭陀總
角時。筆花墨雨。矜才調。下帷爭似董生醇。棄繻竊羨
終軍妙。名聲藉甚公卿間。海內賢豪盡傾倒。意氣干
雲賦子虛。驅馳南北無寧居。南國空餘卞氏璞。金臺
浪上蘇秦書。丈夫感忿在知遇。些些輕薄亦何與。君
不見五陵裘馬金閨客。承恩藉寵勢烜赫。一朝失意
王公前。願聞鶴唳何可得。又不見希蹤廉藺稱莫逆。
握手誓天指胸臆。一朝毛髮成纍仇。推墮懸崖更下
石。茫茫世事類如彼。那堪歷數增歎惜。向來枉用泣
西風。從今幸不受羈勒。勘破利名關。無如急入山。
入山恐不深。寂寞良所安。且夫深山之樂。樂無量。春林
恣幽尋。夏木絕炎瘴。秋風清我心。冬雪潔我狀。安禪
可以制毒龍。長蛇封豕誰云雄。戒勅虎豹兼羆熊。鬼
神守護禁諸覓。石爲枕。雲爲宮。鶴爲駕。猿爲僮。冷然
御風遊太空。浩乎天地相流通。其樂也如此。固不屑
摧眉折腰事權貴。亦豈願犯顏極諫稱孤忠。此孰得
孰失。宜何去何從。渺渺予懷寄圖中。逝將遠適兮。追
巢父之孤踪。我聞此語長歎喟。轉爲頭陀叅一義。牆

東原自有深山海。闊天空任遊戲。豈必崎嶇上五岳。
絕人逃世方爲貴。年來我亦苦浮沉。堂上有親願未
遂。會須棹却利名韉。白石青松同把臂。頭陀心許且
首肯。請予濡筆從頭記。問道頭陀是阿誰。其人乃在
水雲之鄉。高陽之里。尤子斐育吾夙契。

楊云奇崛酣暢在長吉昌黎之間
蔣云奇橫恣肆之筆李青蓮亦當避席

秋聲八咏

絡緯聲

小窓夜靜月初生。籬畔蕭蕭絡緯鳴。紅女乍眠偏喚

蓄齋集卷一五

詩

十六

醒。寒衣欲製獨含情。將舒更急心何苦。似下還高響
倍清。最愛力微機欲息。鏗然餘韻自纏縈。

蔣云八咏聲光色澤兼
而有之咏物詩能手也

蟋蟀聲

四壁蕭森秋思盈。那堪蟋蟀響淒清。瞿瞿似泣瀟湘
月。唧唧如傳兒女情。時爲爭雄成絕叫。縱令喚偶乏
和鳴。金籠何事隨鴛枕。祇恐聽來淚欲橫。

寒蟬聲

微雨纔過夕。照明柳陰疎。處亂蟬鳴空。傳齊女銜幽

怨漫並劉郎。誚隱情。飲露早知無俗韻。吟風且喜有清聲。少陵何事嫌相詰。多恐胸中自不平。

征雁聲

玉關秋爽雁南征。斷續風前嘹唳聲。爲怯火攻頻告警。那堪食盡共呼庚。乍聞應動空閨歎。靜聽偏摧旅客情。殘月曉霜家萬里。磬磬中澤向誰鳴。

警鶴聲

忽聞清唳出花陰。知是秋來抱警深。華表千年猶有恨。金莖一滴早關心。遙空響徹禽颺動。幽夢驚殘客思侵。肅殺先機明告戒。士衡悔不念遺音。

蓄齋集卷十五

詩

十七

落葉聲

萬木經秋盡向凋。無端脫葉點疏寮。辭枝簸簸情如訴。墜地悠悠恨未消。零亂數聲和雨滴。迴旋微響爲風飄。山齋靜坐攤書卷。贏得蕭疎伴寂寥。

桐風聲

嫋嫋秋風偏五湖。飄來庭際弄高梧。有時蕭索疑敲竹。忽地嗚號似捲蘆。羊角將搏聲自壯。鳳條欲老韻還孤。朝陽萋萋知難繼。猶得清音入耳娛。

蕉雨聲

簾捲西風薄有雷。芭蕉翻綠送聲來。雨疎未覺傾盆亂。葉老還疑放溜催。快似銀瓶初迸水。雄如鉄騎暗銜枚。夢餘乍聽心神爽。殘暑全從清響回。

讀先君子所閱梅村詩

一編詩卷伴黃昏。滴露研硃手澤存。似有音容臨諷咏。恍聞馨歎寄評論。秋風江渚添書笈。春雨山窓對酒罇。廿載蓼莪長抱恨。幾迴廢讀淚潛吞。

冒雨同穉堅遊萬佛林

蓄齋集卷十五

詩

丈

見說禪林勝。相邀冒雨尋。空潭懸峭石。高閣俯遙岑。竹響因風勁。鐘聲爲濕沉。欲從石梁渡。雲氣早霑襟。同穉堅人全及顯兒登君山

名山依縣郭。扶杖共登臨。斷續亭臺勢。參差竹木陰。江流接天色。潮響駭雷音。從倚空懷古。荒坵何處尋。登馬鞍山之半次穉兄韻

十年潦倒倦征鞍。又逐風塵訪翠巒。人影似從林杪出。亭臺還向石中看。逢僧自得忘機趣。負曝何妨吹面寒。莫笑半途甘坐廢。世間最好是平安。

壽孝廉吳山掄尊君七十

聖朝崇壽考。禮遇逮華顛。夫子五湖客。家聲三讓傳。
岩居饒內養。庭訓有遺編。玉杖方行國。金輿恰自
天。鳳毛恭獻賦。錦幄試題箋。彩筆驚環衛。溫綸下
珥蟬。平添結絲價。喜動少微躔。用效封人祝。同登
天子船。趨跲隨豹尾。縫掖染龍涎。清問春風展。
和顏霽日懸。寵頒中禁果。榮擬曲江筵。並羨休施渥。
還欣異數偏。奎章煥星斗。宸翰洒雲烟。龜貝難
爭重。璠璣莫比妍。特爲才士錫。令向老親宣。盛事青
藜齋集卷十五

詩

九

箱炫芳辰紫氣纏。國恩誠浩瀚。家慶轉聯綿。仙杏
花行賞。江梅葢早圓。雙珠齊戲綵。立竹盡如椽。緜嶺
簫聲韻。瑤池桃實鮮。銜書青鳥使。贈藥赤松仙。鶴算
應無極。蒲輪定見延。王言若符讖。古劍共長年。

鄧尉探梅

客從山中來。爲報梅將盛。扁舟返舊廬。挾伴步芳徑。
霽色催林垞。千叢白已瑩。枳籬茅舍間。隨處皆入勝。
遂登馬家山。四遠在一望。高高復下下。參差堆雪浪。
香風吹我衣。飄然欲飛颺。遙聞元墓鐘。迤邐來梵宮。

湖光映樹色。烟靄何空濛。彷彿若耶女。盈盈泛孤篷。
明發度長斨。雲泉出巾舄。石壁并茶山。盤桓竟晨夕。
山家無他營。栽梅徧岩隙。弱榦號梅樁。其花嫩而澤。
老樹枝扶疎。古意殊標格。花陰藉艸坐。觴咏貴自適。
樽酒醉花神。欲別轉展惜。憶昔少年日。杖屨相追隨。
春光等閒度。却笑遊人痴。自經城市喧。對此疑瑤島。
曠然耳目開。俗情一爲掃。樂事不可窮。幽賞縈懷抱。
夢迴風雨辰。餘香猶繚繞。

咏花籃燈

普齋集卷十五

詩

三

碧色琉璃巧。樣裝花分火。樹點春光恁。教攜去街頭。
賣踏月歸來。自滿筐。

咏荷花燈

菡萏花開甲。夜中火。城猜作水晶。官攜來。應被花神
妬映。月何如映日紅。

連訪虎文不晤詩以懷之得三首

連日南樓閉。栖栖何處鄉。囊空詩興短。裘敝客愁長。
夜雨懸江冷。晴雲度嶺忙。相思無限意。不獨爲離傷。
有意聯吟社。無心戀筆耕。性孤恒忤物。骨傲不求榮。

寂寞燈前影。浮游身外名。誰言宇宙大。難著一狂生。
託跡依城市。林泉意自真。吟詩貪用險。對客恥言貧。
竹下臨書古。花間譜奕新。風流堪獨步。鈇筆亦超神。

二月朔日

一枝香雪全吐。數卷圖書半橫。齧飯飽餐。畫靜紙窓。
虛掩春明。

偶成

奕不須逢好手。詩何必擬名家。紙窓竹几無恙。隨意

春風日斜。

蓄齋集卷十五

詩

五

弔高青丘

青丘嘯傲一書生。片紙微詞禍已萌。却憶漢高真長者。誅夷不過及韓彭。

春郊雜興二首

風日催人意。西郊策杖過。平蕪紛錯繡。疊障遠浮螺。
徑轉市聲少。林開詩料多。已如遊物外。何用訪岩阿。
緣溪忘返遠。小憇板橋東。樹色蘇兼困。花香異復同。
傍舟鳧隊亂。隔岸犬聲通。安得王摩詰。揮毫寫化工。

館娃宮懷古

館娃宮畔草青青。筇杖芒鞋取次登。花裏人家飛燕
亂。柳邊畫舫浴鳧輕。四圍山色橫空翠。千頃湖光混
太清。水綠山青千古事。浣紗人去空留名。憶昔吳王
全盛日。闔閭飛甍插天出。舞袖偏生幽谷春。歌聲欲
把行雲遏。笑倚春風桃李開。顰和秋雨芙蓉結。采香
徑軟浴池溫。朝歡暮樂何曾歇。越鼓騰騰抵死催。可
憐麋鹿上蘇臺。月榭荒涼留廢井。琴臺寂寞掩蒼苔。
舊時響屐廊前路。只有樵夫去復來。却將芳卉迎人
意。錯認西施笑臉回。自古興亡如轉轂。凭高不用增

蓄齋集卷十五

詩

三

躑躅落英檻外解。飄香啼鳥枝頭能。度曲禪房梵唄
竹。松陰蕭然洗盡鉛華濁。日暮鐘聲敲遠空。不堪更

向紅塵逐。

蔣云初
唐格調

春日過上漚偶成

雲白山青水拍天。菜黃麥綠柳含烟。此中但有王摩
詰。不使林泉讓朝川。

送顧沅江出守福州

平堤楊柳引薰風。笳鼓聲催鸞語中。江轉數程通巖
市。嶺盤千磴接鮫宮。下車應訪桑田綠。入境先看荔

子紅盛世自來崇吏治君今幾歲作三公

楊云工麗有骨唐人合作

送女二首

自汝于歸後。仍如在室間。楊云得杜少陵神一棹少選。便千山。
蒲柳隨人綠。雲霞極目斑。他年重見面。記取別時顏。
生成閨裏幾。慣歷山川五月南。天路兼旬軟底船。
起居宜自慎。情思莫相牽。問省高堂後。音書早附還。
楊云如話耳却成絕妙好詞由其情真語摯也

立秋後三日喜人全旋里二首

蓄齋集卷十五

詩

三

只道東來信尚虛。豈期今日竟歸與。三年夢裏枕椰樹。
五嶺雲邊油壁車。共勞風塵良自苦。急詢骨肉近何如。
南窓正好披襟坐。人事紛紛且聽諸。

晚窗浴罷好乘涼。移坐中庭列酒漿。雲妬月明輕作幔。
風吹花氣細流香。關情往事兼今事。雜話家鄉并異鄉。
興到十觴亦不醉。銀河早已掛垂楊。

晚泊燕子磯見竹籬茅舍可意口占二絕

背倚千尋石壁。面臨萬頃波光。茅簷掩映秋色。籬障迴環綠楊。

此境天然瀟洒。洒着花。更自風流客。來非爲沽酒。贏得
當鑪轉眸。楊云。韻而老。

登燕子磯戲占

巨石枕江流。壁立十餘丈。似茲雄壯形。何能舞於掌。
扶筇登其顛。四顧共沆漭。浩然天地氣。心胸爲開蕩。
清風雲際來。却作翻飛想。○受○然○可○止○

徐峻亭齋頭話舊有感

不到高齋久。重來改舊觀。芝蘭新挺秀。松竹半凋殘。
世事波千疊。心期釣一竿。徒贏絲兩髮。好共雪花看。
蓄齋集卷十五

詩

五

清明日哭先慈二首

想像音容覺恍然。漫漫憑楚唄。祝生蓮。空王却說空諸
相。那得慈顏現閻前。

每逢祀事祝先靈。願得兒曹壽百齡。今日筵前相聚
哭。空餘風片響疎櫺。○楊○云○一○字○

送陳陽山之辰州

吳城之西環千嶂。陽山聳出青雲上。陳子虎文隱其
間。高風直欲與之抗。詩爲人窮句轉工。書因骨傲勢
偏雄。秦碑漢碣恣幽討。寄情篆刻空前踪。踪任昉風流

擅大名。琴書到處有將迎。坐間常滿芝蘭氣。門外時
聞車轄聲。弱冠逢君。嚶水曲。意氣相期久。逾。薦。比。來
下榻小齋中。脫盡形骸如骨肉。晴窓樹色雪窗燈。陽
春高調愧難賡。閒看筆下蛟龍舞。往往拍案使我驚。
有時碁局共徜徉。博得笑口哆然張。有時感懷在霜
露。掩卷雪涕沾巾裳。酒後耳熱拂衣喜。激昂跌宕希
前軌。睥睨一世輕。王侯獨重辰州朱。刺史遼陽
之甲族。典朝定鼎剖符竹。奕葉勛名勒鼎鐘。一編

詩卷鏘金玉。當年旌旆臨江干。北固山頭立馬看。是

蓄齋集卷十五

詩

十五

處烟霞題賞徧。孔璋詞賦相追攀。一麾遠作盧溪守。
廿載離情寄江柳。聞道公庭人吏稀。吟餘輒憶陽山
叟。楚水吳山相去遙。辜負春江早晚潮。雲間名士姑
蘇客。剝啄相過話舊交。丈夫會當游列國。那堪株守
阡與陌。洞庭湖水碧於蘿。片帆好借長風力。踏青時
節艷陽天花笑。東風柳帶烟闔間。城畔春如錦。難繫
騷人載酒船。瀕行相贈無他物。醴酒一尊爲君設。勿
辭沉醉月明明。明朝却看毘陵月。此去鶯花疊作堆。
同游況有士龍才。黃鶴樓邊新月吐。綠蘿山下白雲

開。攜。手。登。臨。意。無。限。山。川。灝。氣。撲。人。來。製。就。鴻。篇。呈。
玉。海。青。萍。聲。價。應。十。倍。鄭。公。高。唱。小。陵。酌。懸。知。二。酉。
增。光。彩。却。恐。徵。求。鑄。篆。多。坐。使。畱。題。半。未。逮。吳。儂。樵。
悴。同。枯。木。賴。君。相。對。舒。幽。獨。豈。料。崇。朝。有。別。離。三。千。
里。外。神。相。逐。猿。聲。易。動。客。心。愁。莫。因。得。意。久。淹。留。何。
物。囑。君。須。記。憶。草。堂。秋。色。歲。寒。栢。

楊云絕似
初唐人詩

友人齋中卽事

爲。有。幽。人。約。衝。泥。到。古。村。綠。陰。藏。竹。院。碧。澗。鎖。柴。門。
魚。美。烹。烏。背。琴。香。摘。白。根。話。深。還。惜。別。漸。見。水。雲。屯。

書齋集卷十五 詩

五

楊云大
似摩詰

聞陸旣藩樞歸弔之

昨。得。傳。來。信。靈。輻。返。故。居。悲。深。翻。作。喜。望。切。轉。疑。虛。
一。棹。烟。嵐。外。千。村。風。雨。餘。生。還。當。此。日。歡。笑。定。何。如。
久。別。江。村。路。因。君。復。此。行。麥。舟。仙。令。賻。絮。酒。故。人。情。
樹。色。依。然。綠。花。枝。自。在。橫。滿。堂。舊。賓。客。相。對。一。淒。清。

楊云五
言老手

端午日

薰。風。依。舊。畫。堂。前。記。得。慈。幃。色。笑。偏。銀。鬢。貼。將。華。勝。

穩杖藜看取素馨鮮。空言艾虎能增健。豈有菖陽可
引年。物是人非何限痛。一樽安得到黃泉。

楊云情
文兼至

有感

少年好文史。語出長老驚。有司刮目待。郡國蜚英聲。
意氣故自負。捷徑非所營。直方既難進。禍患復頻仍。
蹉跎廿載餘。兩鬢絲早生。迴視後來俊。頭角何崢嶸。
宛然黨援互標榜。名振如雷轟。豈不慕光彩。面目難為情。
焉能更陸陸。低眉事將迎。棹首東臯去。嘯歌有餘清。

又

蓄齋集卷十五

詩

七

鳳凰下德輝。孔雀炫文彩。炫耀良已非。啾啾豈足采。
奈何烏鴛輩。結羣盡鄙猥。雛燕共鸞鳩。飛槍氣自倍。
亦或飾其羽。鷹眼故猶在。可憐金谷園。未聞好音逮。
鴻飛何冥冥。去之若恐逸。永懷勛華年。尚友數千載。

楊云前首賦後首
比十九首之遺也

舟行

江雲漠漠雨霏霏。水漲橫塘失釣磯。兩岸綠陰隨棹
轉。一行白鷺背人飛。

人全夫婦暨外孫。回蘇得二首

燈花昨夜結。骨肉遠方還。歲月憐我老。風塵覺汝偏。
蘭芽新見長。菊徑故如前。豈不稱良會。中心自黯然。
記得臨行日。高堂涕淚懸。爲言我老矣。寧及汝歸焉。
不道真成識。無何已一年。秋風簾幙動。腸斷夕陽天。

楊云清空
一氣如話

護蘭

客從閩中來。貽我一盆蘭。雖無花可賞。其葉良足觀。
濯濯如新沐。畧無垢與癩。神采既有餘。色勝碧瑯玕。
惜也柔脆質。曾不耐歲寒。朔風昨夜厲。呼童慎防閑。
蓄齋集卷十五

詩

天

我昔獲嘉種。將作美人看。愛護豈不至。萎絕乃無端。
念此重踏脚。逆恐受摧殘。嗚呼世事循環若轉轂。樂
之所在憂卽伏。人生豈有百年期。苦因物外滋。跼促
種蘭本爲耳目娛。奈何坐令亂心曲。翻然自笑母乃
愚。寓意於物勿逐逐。

楊云一氣舒
卷自然合法

送人全省親福州

萬物有盡境。造化多圓機。君子處憂患。惟循分所宜。
古來稱宦海。勇退良知幾。禍福相倚伏。此理詎能推。
貧富自天定。戚戚復何爲。子職在寢膳。餘事且隨時。

跋涉雖云苦。義難少淹遲。峻嶺雲外矗。惡灘石如錐。
況當春風厲。雨雪不可知。眠食宜自慎。兼恤僕隸私。
好奉高堂還。落花以爲期。一椽栖息地。應爲君謀之。

送俞竹友

梅花香裏棹行舟。一片春風送客遊。此去計程三十
驛。好將勝地作詩籌。

詩筒碁局共周旋。相隔經旬思已牽。今日胥闈分手
去。一江春水向南天。

咏桃花雪

蓄齋集卷十五

詩

无

禁烟節近花如綺。却剪瓊瑤點衆芳。柳岸未應絲繚
繞。桃源先見絮顛狂。乍疑杏臉勻鉛粉。絕似珠簾隱
艷妝。一夜東風齊著力。變成絳雪滿林塘。

觀奕

黑白分明各逞雄。須臾勝負已成空。棘門細柳渾閒
事。巧拙何如一局中。

攻圖應援各紛紜。先後之間得失分。少許能將多許
勝。令人却憶岳家車。

挽何箕谷使君

使節榮旋後。華軒話舊長。笑言猶曩昔。蘭玉忽摧傷。
戚屬先爲忝。交情久益彰。英風接終賈。彩筆跂班揚。
棘院初同事。鵬程羨遠翔。聯翩遊上苑。染翰直明光。
覲省還南下。幽憂滯故鄉。一樽清讌合。幾度碧雲涼。
寒對江村雨。秋尋山桂芳。詩篇閒討論。碁局恣徜徉。
尺幅叨題贈。奇瑜足比方。自天垂寵眷。歷職到清郎。
推轂干城選。盱衡武庫藏。旦宵誠黽勉。魚雁更相將。
作客吾何有。知心君可當。睽違閱五載。簡吳得遐荒。
祖道行諏吉。離筵擬奉觴。豈期玉樓召。竟掩列星芒。

蓄齋集卷十五

詩

三

闕內需籌餉。蕭公已訃亡。鳳毛應五色。麟角尚微茫。
白露溥衰草。愁霖暗野塘。空餘秀句在。俯仰欲沾裳。

楊云曲折如意詞亦穩稱

